



Institutiones Canonicæ Sive Ius Ecclesiasticvm

Wiestner, Jacob

Monachii, 1706

XXXVII. Vtile non debet per inutile vitiari.

[urn:nbn:de:hbz:466:1-62649](#)

Everard. Legal. arg. loco à vi Fictionis n. 4.
& Gonzalez ad Reg. 8. Cancell. gloss. 51.
num. 18.

9. Neque hanc effectuum communio-
nem excludit; quod, ut dictum, rei pos-
sessor directa, dolò possidere definens uti-
li duntaxat actione conveniat; quod
adversus illum ad rem ipsam, adversus i-
stum ad estimationem consequendam a-
gatur; quod possessio etiam malæ fidei
legis beneficiorum defendantur, & adversus
non dominum habeat exceptionem: is
autem, qui dolò possidere desit, neque
adversus dominum, neque adversus non
dominum actione aliquo Juris beneficiorum
adjuvetur; facilis enim ad haec responsio
est; quia Imprimis, licet utilis & directa
actio origine differant, in rem tamen u-
traque tendit eō solum discriminis; quod
directa semper res penes reum conventum
existens: utili autem actione vincenti al-
iquidq[ue] sola estimatio adjudicetur;
quod res ipsa non amplius existat, aut ne-
queat haberi. Deinde; quia possessor ad-
versus non dominum ideo solum defen-
ditur; quod in pari causa melior sit con-
ditio possidentis, Reg. In pari 6. s. in 6. &,
si de actoris jure certò constet, possidentis
jus non attendatur, l. fin. C. de R. V. Cum
ergo is, qui dolò possidere desit, non
possidat, non melior ipsius, quam non
domini conditio; ac proinde nec ratio est,
cur ipsi assistat Jus; quia hoc non possiden-
ti non assistit, nisi adversus eum, contra
quem munitus est actione, quā dolò pos-
siderem definens destituitur; cum actione
ex dolo & improbitate sua conseq[ue]nti
non possit, l. Itaque 12. §. 1. ff. de Furci.
Demum; quia rem dolò possidere definens
pro possessoire solummodo in suum in-
commode, non etiam in commode
habetur, Strein. bīc n. 3. in fine.

ଓ (০) ৩৭

REGULA XXXVII.

*Utile non debet per Inutile vi-
tiari.*

S U M M A R I U M.

1. Utile hic dicitur, quod validum Es.
est.
 2. Sensus & ratio Regula,
 3. Qua in omnimateria locum habet:
 4. Si utile ab inutili separabile sit,
 5. Et sine isto subsistere possit,
 6. Solacismus vitiat omnes partes Re-
scripti.

Utile hē locō est; quod, spectatā tam naturā suā, quam Juris dispositione, validum aptūmque est ad aliquid validē agendum;
et contrā inutile, quod invalidum & ad aliquid validē efficiendum ineptum est, ex mente Baldi Lib. 2. Feud. tit. 34. V. Si- militer.

Quare Regula^z istius sensus est, *Id. 2.*
quod in *se* utile, *sive* *Jure* *validum*, aut ad
aliquid efficientium aptum est, *valorem* &
vim *suam* non *amittit*, *alicuius* *inutilis*
Jurēque *invalida*. & *in* *epti* *acceptione* *five*
adjunctione. Ratio est; quia *actuum* *ea*
interpretatio *facienda* & *aliis* *preferenda*
est, quā *valent* *potius*, quam *perent*, *et*
Abbate *25.* *de V. S. El. Quoties* *12.* *ff. de*
Rob. *dub.* *adeo*; *ut*, quā *militat* *pro* *valore*
actūs, *aliarum* *interpretationum* *Regina*
dicatur, *Mantica Lib. 12. de Conject. ultim.*
volunt. *tit. 17. n. 13.* Neque id *immerito*;
quia sic vel maximē congruet agentiū
intentioni; cum non facile quem re-
perire sit, qui *judicia* & *actus* suos valore
destitui: sed eos omnes habere vim atque
effectum fortiri velint; atque idcirco,
cum aliquid agunt, si *quid* *inutile* *accedit*,

vel addatur, id auctorum suorum valori non nocere, vel pro eorum conservatione omnino rejicere voluisse, prælumentur.

3. Sic accepta Regula latissime diffunditur; cum ferè in omni, tam Ecclesiastica & spirituali, quam prophana materia, & in humanis actibus pene omnibus procedat; sic enim, si Prælati electioni intereat Canonicus excommunicatus, licet ipsius, tanquam spiritualis officii actuali exercitio privati, irrita: valida tamen sunt suffragia aliorum non censuratum, saltem si contra excommunicatum sint protestati; ut majoris eorum partis in unum conspirantibus suffragiis celebrata electio substat, c. *Constitutio 23. de Appellat.* & electio Canonica confirmationis non canonica & invalida accessio ne valorem suum non amittit, c. *Sic confirmationem 39. de Elec. in 6.* Sic concessio Indulgientia, ab Episcopo extensa ultra tempus unius anni à Jure permisum, c. *Cum ex eo 14. V. Ad bac. de Panit. & remiss. invalida solummodo quoad excessum, & quoad annum valida est, c. fin. eadem Rubr. in 6.* & manumissio servi Ecclesie cum istius bonorum ipsi ab Episcopo facta donatione valida est: quantumvis si viginti solidos excedat, quoad excessum Jure non substat, can. *Si quos de Servis, 12. q. 2.* Sic emphyeusis Ecclesiastica in tertiam & quartam generationem concessa, nulla quoad quartam, & firma est quoad tertiam Jure permisum, Novell. 7. cap. 3. §. *Quod autem: eodemque modo rei Ecclesie immobilia locatio antiquo ad tria novennia, Glossa fin. in Clement. 1. de Reb. Eccles. alien. recentiori Jure ad tria triennia distincta. Extravag. Ambitiosa, inter com. eadem Rubrica eodem die uni vel diversis facta quoad primum sustinetur, licet invalida sit quoad duo novennia vel triennia posteriora per tradita Lib. 3. tit. 18. n. 8. & 9.*

Simili modō donatio inter vivos 500. solidos excedens & absque insinuatione facta firma est, quoad summam Jure permisum, & quoad solum excessum vitiatur, l. *Sancimus 34. C. de Donationibus & testamentum, ex causa præteritionis vel ex hæreditationis irritum, quoad cætera firmum manet, Autb. fin. C. de Liber. præterit.* Sic demum duobus tutoribus, verò & falso, contrahendi autoritatem accommodantibus pupillo, contractus ab isto initus valet, falsi accessione veri tutoris autoritatem non infirmante, l. 1. §. 3. ff. *Quod falso iut.*

Sicut haec & similes pro Regula, sic contra istam militant instantiae aliae ex iure de promptæ; nam actus legitimos conditionis vel dici adjectio viciari, *Regula est 50. infra declaranda; electio à clericis una cum laicis celebrata in totum nulla est, quantumvis clericorum major pars convenerit in unum, c. Messana 56. de Elec.* Simili modō in totum corrut compromissum in duos, quorum unus arbitrus esse non potest, l. *Padius 7. ff. de Arbit.* In decreto judicis, aliquem in possessione mittentis pro debito, partim vero, partim falso, l. 1. §. 5. *Ne vis fiat ei Et.* quia decreatum judicis individuum est, Bruneman. in l. cit. n. 11. Instipulationibus quoque utilis responsio vim admit interrogationis; ut ista, etiamsi utilis sit, stipulationem & obligationem non inducat, l. 1. §. 3. ff. *de V. O. Et.* Verum haec & similes instantiae penitus inspecta Regulam non pertinet; cum ista de rebus & actibus dividuis, & utilis ab inutili separationem admittentibus procedat: non de dividuis sive talibus, qui vel ex natura rei, quod partibus non constent: vel proper formam, ad substantiam & valorem actus duo simul, vel alicujus absentiam exigentem: vel propter dependentiam sive unitus cum altero necessariam connexio nem, vel

nem, vel ex dispositione Juris aut agen-
tium voluntate separari eorumque unum
sine altero consistere non possunt, ut cum
Glossa & Viviane hic, Alciato in l. Sol-
vendo 114. ff. de V. S. observant Covar-
ruias Lib. 2. var. cap. 15. n. 5. Sarmien-
to Lib. 3. Select. cap. & Molina de Primo-
gen. Lib. 1. cap. 21. n. 5. Cū ergo
dici vel conditionis adjectio actus legitimis
formam destruat, ut ad cit. Reg. 40. di-
cetur: eāmque & Canonicae electionis
substantiam accessione laicorum ad clericos,
& utili interrogatione non congrua sive
inutilis responso substantiam stipula-
tio-
nem tollat: & ex agentium seu compro-
mittentium voluntate compromissum in
duos, altero deficiente, non subsistat,
mirum non est; quod in his & rebus in-
dividuis alius utile ab inutili, à quo se-
parari non potest, vitetur.

§. Ex hujusmodi causis Regula locus
etiam non est in duobus delegatis, quo-
rum unus ex causa suspicionis approbata
recusatus est; cū alter, recusato quasi
collega adjunctus, nihil agat, c. Cū
super 23. de Offic. deleg. quod condelega-
tus ipsa suspicionis approbatione amife-
rit jurisdictionem, ex rescripto sibi com-
petentem, c. Iudex 5. V. Post recusatio-
nem, eādem Rubr. in 6. In sententia ju-
dicis de summa jurisdictionem suam ex-
cedente (sine partium conventione) pro-
nuntiantis; cū ejus sententia invalida-
sit etiam quoad summam minorem juris-
dictioni suae respondentem; quod sen-
tentia super una eadēmque re lata valere
pro aliqua, & pro alia parte non valere
non possit, l. In hoc 27. ff. Famil. bercise.
Peckius hic n. 12. In donatione bono-
rum omnium præsentium simul ac futu-
rorum; ea enim irrita est, licet solorum
præsentium, aut futurorum duntaxat
bonorum donatio subsistat; quod utro-
rumque donatio, si valeret, donatori adi-

meret facultatem testandi, Baldus in l.
fin. C. de Paclis & Gaill. Lib. 2. obseruat.
11. n. 10.

Ex iisdem & speciali etiam ratione 6.
in totum irrita sunt rescripta sive literæ
Apostolicæ in una parte continentæ fo-
læcilmum seu vitium constructionis, aut
phrasin a stylo Curiae alienam, c. Ad an-
dientiam 11. de Rescript. quod ex ejus-
modi vitio oriatur vehementis suspicio ac
præsumptio, literas à sede Apostolica non
emanasse, ut Lib. 1. tit. 3. n. 100. est di-
ctum. Deinde fidem & probandi vim
omnem amittit testimonium, cuius pare
aliqua falsa deprehenditur, can. Pura 17.
ibi. Totam testimonij fidem pericula menda-
cio decolorat, 3. q. 9. Demum instru-
mentum Notarii, unius partis falsitate
comperit, totum corruit; ut partibus e-
tiam separatis fides non habeatur, arg.
can. Si adscripturas 7. diff. 9. Glossa fin.
ibi. Et in c. Quantu 5. V. Absentium, de Ila,
qua à Prelat. Ratio utriusque est; quod
fides testis ac notarii sit omnino indivisi-
bilis, arg. can. cit. ac proinde in una
testimonii vel scripturæ parte apparet
falsitas testimonii & instrumenti fidem
totam labefactet, & meritò reddat suspe-
ctam, Peckius hic n. 5.

REGULA XXXVIII.

*Ex eo non debet quis fructum
consequi, quod natus extitit im-
pugnare.*

SUMMARIUM.

1. *Sensus & ratio Regule;*
2. *Qua declaratur exemplia,*
3. *Exigit, impugnationem completam,*
4. *Voluntariam, factamque suo nomine,*
5. *Et contra eum, contra quem ex ea
fructum consequi vult.*

I i i i 2 Explica-